

Vizitas Raúl Castro militindustriajn entreprenojn en Havano



Havano, 20 feb (RHK) La kuba prezidento Raúl Castro daŝrigis sian viziton tra diversaj militaj entreprenoj, ĉi-foje en Havano, samkiel antaŭe li vizitis similajn en la provincoj Camagüey, Santiago de Cuba kaj Mayabeque.

Li vizitis tri entreprenojn, unue la industrian entreprenon Granma, kiu fabrikas, riparas, modernigas kaj komercas ĉi-primedojn, samkiel aliajn produktojn por la nacia ekonomio, interalie, kuiriloj, metalaj pordoj kaj marmoraj plank-tegoloj.

En la esplorcentro de la entrepreno, Raúl ricevis detalan klarigon pri la esplorprogramoj efektivigataj de la revolucia mararmeo.

La prezidento dialogis kun la esploristoj, kelkaj tre junaj kaj elstare diplomintaj, kaj aliaj, tre spertaj. Li emfazis la bezonon daŝre meti la sciencon je la servo de la landa evoluo kaj konsideris ke la laboro de tiu ĉi centro estas stimulgiga.

La dua centro vizitita estis la industria entrepreno Grito de Baire, kie oni produktas altnivelajn produktaĵojn lige al la landa defendo, kaj aliajn por la nacia ekonomio.

Raúl ricevis informojn pri la produktoj de la elektroniko kaj komunikado; krome, li estis informita pri aliaj produktaĵoj ligitaj al la medicina branĉo, aliaj por la domoj, purigado, pri kiuj oni sciis ke okazas novaj investoj.

Dum la traĵo, la prezidenton akompanis José Ramón Machado, dua sekretario de la centra komitato de la komunista partio; Miguel Díaz-Canel, unua vicprezidanto de la ŝtata kaj ministra konsilantaro; Ricardo Cabrisas, ministro pri planado kaj aliaj altrangaj funkciuloj.

<https://www.radiohc.cu/eo/noticias/nacionales/155601-vizitas-raul-castro-militindustriajn-entreprenojn-en-havano>



Radio Habana Cuba